

**LEDSCHA  
DAVART IL VASCHINADI  
CUMÜN DA VALSOT**



25.06.2014

## Artichel 1: **Oget da la ledscha**

Quista ledscha regla la procedura da natüralisaziun, confuorm a la ledscha chantunala<sup>1</sup> davart il vaschinadi.

## Artichel 2: **Oblig dal domicil**

Il vaschinadi cumünal as po dar obain imprometter a personas chi d'eiran domiciliadas i'l cumün da Valsot d'ürant 10 ons, ils ultims duos ons güst avant co inoltrar la dumanda.

Scha qualchün avant co inoltrar la dumanda viva daspö quatter ons sainza interrupziun i'l cumün da Valsot, lura basta ün domicil da ses ons in tuot.

## Artichel 3: **Cumpetenzas**

<sup>1</sup> La cumischiun da natüralisaziun, chi's cumpuonna da trais personas elettas da la suprastanza cumünala, examinescha las pretaisas fuormalas e s'intermetta pels ulteriurs sclerimaints.

<sup>2</sup> Ella invida a las personas chi han inoltrà la dumonda per üna discussiun davart lur qualificaziun. D'ürant quella discussiun as examinescha specialmaing lur integraziun e lur bunas cugnuschentschas, confuorm a l'artichel 5 KBÜV<sup>2</sup> da la ledscha chantunala davart il vaschinadi. La suprastanza cumünala po decretar excepziuns davò avair tschüff il permiss da l'uffizi chantunal da migraziun e da dret civil.

<sup>3</sup> L'execuziun da quista ledscha crouda illa cumpetenzza da la suprastanza cumünala. Ella comunicescha la decisiun<sup>3</sup> davart üna natüralisaziun in scrit.

<sup>4</sup> La suprastanza cumünala infuormescha al Chantun<sup>4</sup> infra ot ons davò la natüralisaziun, schi s'ha obtgnü quista cun astuzcha, fand declaraziuns fosas obain zoppantand fats relevants.

## Artichel 4: **Taxas**

<sup>1</sup> Per decisiuns illa procedura da natüralisaziun vegnan prelevadas taxas chi cuvernan ils cuosts. La suprastanza cumünala relascha üna regulaziun correspondentia.

---

<sup>1</sup> Ledscha chantunala davart il vaschinadi dals 31.08.2005 (KBÜG; BR 130.100)

<sup>2</sup> Disposiziun a la ledscha da vaschinadi dal Chantun Grischun dals 13.12.2005 (KBÜV; BR 130.110)

<sup>3</sup> Art. 4 e 17 KBÜV

<sup>4</sup> Ledscha federala davart l'acquist e la perdita dal vaschinadi Svizzer dals 29.09.1952 (BÜG 41; SR 141.0)

<sup>2</sup> Ella po decretar pauschalas differentas per persunas svizras ed estras. I's po fixar pauschalas plü bassas per renatüralisaziuns (Wiedereinbürgerungen). Las pauschalas ston gnir adattadas periodicamaing als cuosts effectivs.

<sup>3</sup> La suprastanza cumünala po redür obain relaschar las taxas per uffants minorens, chi nu vegnan natüralisats insembel culs genituors, sco eir per persunas chi sun in scolaziun sco eir pro cas d'acziuns.

#### Artichel 5: **Cas specials**

In cas motivats po la suprastanza cumünala dar il vaschinadi d'onur obain til regalar.

#### Artichel 6: **Protecziun dal dret**

Decisuns negativas ston gnir motivadas e cumplettadas cun l'indicaziun dals mezs legals.

#### Artichel 7: **Entrada in vigur**

Quista ledscha es gnüda acceptada da la radunanza cumünala dals 25.06.2014.

Cumün da Valsot

il capo:

l'actuar:

Victor Peer  
Capo cumünal

Georg Luzzi  
Manader administraziun

---

<sup>5</sup> Ledscha davart la chüra da la giurisdicziun administrativa dal Chantun Grischun (Verwaltungsrechtspflegegesetz VRG; BR 370.100; art. 22 e 49ff)